

上清元始譜錄太真玉訣

卷十二

一名解形透變流景玉光

三惡門

第一門名色慾門

一名上尸道一名天徒界

第二門名愛慾門

一名中尸道一名金徒界

第三門名貪慾門

一名下尸道一名地徒界

此三惡之門一名三尸之道一名三徒之界常居人身中塞人三關之口斷人三命之根過人學仙之路抑人飛騰之魂為學之本而不落尸於三道之上去慾於三界之門真何由降道何由成夫學上法宜遺諸慾滅落尸根道自然降仙自然成剋得飛騰上昇三清

五道門

第一門名色累苦心門

一名太山地獄苦道

第二門名愛累苦神門

一名風刀苦道

第三門名貪累苦形門

一名種山負苦道

第四門名華競苦精門

一名作江河苦道

第五門名身累眾苦門

一名聚食炭燒薄苦道

此五苦五道之門常居於人身係人命根過人招真之路斷人修仙之門為學之本而不

解形於五道之上滅跡於五苦之下眾累不斲沉淪罪門何由得脫騰身遊變流景玉光也夫欲上學當先斲諸累絕滅苦道真自然降神仙自成尅得變形遊宴諸天

先玉符著頭上當於色慾之門北向銜刀請一杯清水面臨水上師於弟子後叩齒九通呪曰上尸青慾自斲彭瑤變化九種鳥頭蛇軀混沌无心或沉或浮貪慾滋美華色自居走作人魂魄潛司過斲斷人命根悉散神遊放浪三宮小蟲无劬真人甲乙佩蘇帶符色慾已斲死路已除元始有命請斬尸頭三台監形速出无留滅根絕種勿使遺餘甲乙練真三宮清虛五帝臨映太一定書北元沐浴冠帶行嚙飛度无界流景玉與遂變上清乘空遊遊畢取所銜刀師以繞弟子頭結九過下所奏玉符埋於色慾門下以杯水灌上行此之道上尸即滅色慾自除身過天徒之界形魂無復苦惱之患太真上道慎勿輕傳以次進中門而落中尸落中尸當黃書中元滅慾斬

尸變景流光玉符著心前於愛慾中門向玉捉刀向腹請一杯清水著前師於後叩齒十二通呪曰

中尸彭質號曰中黃愛慾自居依腹逃藏沉浮變化形无常方執人魂魄走作三宮赤子馳競使人發狂慾性喪神罪由小蟲真人甲乙上帝已徵身佩玉符丹文金章列名元圖三慾已亡元始符命斬滅尸形斷根絕種勿得飛揚甲乙受練五符休糧真仙安鎮藏內生光五帝監映太一行中元沐浴冠帶衣裳解形遂變流景玉光飛昇上清食息太空長保自然天地无窮畢以次進下門而落下尸當白書下元滅慾斬尸變景流光玉符著兩脚上於下愛慾門向南橫刀於兩足上一杯清水著足下師於後叩齒三通而呪曰下尸彭矯貪慾自榮白色混沌體无常形依人兩足執動人情言白得失走作魂靈三宮擾亂赤子不寧貪慾小蟲質備幽冥真人甲乙三練已清慾門斷塞不受邪精元始急令三台臨庭速出无隱及汝弟兄九種子孫一

時斬形五帝度真太一記名下元沐浴冠帶羽
 青玄度三界上飲元精解形逐變流景上清飛
 玄步虛三景齊明畢三界既度便度五苦之道
 解形逐變飛度五道之法當作新衣一通巾
 履並新於第一色累苦心門上黑書解形逐
 變滅度地獄流景玉符置兩足下北向平立
 師叩齒五通呪曰

解形逐變落尸五難三慾已清神津內湛脫
 故練新體香氣蘭玉符滅跡地无拘擊身度
 天界超凌雲端魔王保真炁合自然七祖同
 昇飛步天門五帝監映萬神咸聞畢脫中解
 結埋符於兩足下脫履而去次進愛慾苦神門
 於愛慾苦神門上白書解形逐變滅度風力
 流景玉符置兩足下西向平立師叩齒七通呪曰
 雲行飛步逐變玉光解形脫迹散髮遊翔人
 界無拘乘虛空行天魔已保五道開通越度
 風刀形昇上宮畢埋符兩足下以次進貪慾
 苦形門 已下元關文
 出九天門調刺法
 用銀木長一尺二寸廣二寸四分讀刺畢埋

所屬門下

- 鬱單元量天王 郎門下 恭帝先生 帝再拜謁
 - 釋善元量壽天王 郎門下 恭帝先生 帝再拜謁
 - 梵監 天玉郎門下 恭帝先生 帝再拜謁
 - 梵術 天玉郎門下 恭帝先生 帝再拜謁
 - 不驕樂 天玉郎門下 恭帝先生 帝再拜謁
 - 化應聲 天玉郎門下 恭帝先生 帝再拜謁
 - 梵寶 天玉郎門下 恭帝先生 帝再拜謁
 - 波梨答怒 天玉郎門下 恭帝先生 帝再拜謁
 - 梵摩迦美 天玉郎門下 恭帝先生 帝再拜謁
- 右九刺以次安之
- 第一清微皇曾天帝位 元陽之炁
 - 第二禹餘泰明玉完天帝位 上陽之炁
 - 第三太赤清明何童天帝位 太陽之炁
 - 第四无量玄胎平育天帝位 清陽之炁
 - 第五无量壽元明文舉天帝位 通陽之炁
 - 第六梵監上明七曜天帝位 通陽之炁
 - 第七梵術虛元越衡天帝位 建陽之炁
 - 第八不驕樂太極蒙翳天帝位 極陽之炁
- 右八天東方元陽之勝以次左行勝下安

一燈火合八燈

- 第一化應聲赤明和陽天帝位 陽始之炁
 - 第二梵寶玄明恭華天帝位 陽暉之炁
 - 第三摩迦美耀明宗飄天帝位 陽洞之炁
 - 第四答怒望落皇始天帝位 陽明之炁
 - 第五禱明虛明堂曜天帝位 陽演之炁
 - 第六摩禱和觀明端靜天帝位 陽明之炁
 - 第七憶羅玄明恭慶天帝位 陽浩之炁
 - 第八那首太煥極瑤天帝位 陽極之炁
- 右八天南方陽始之勝次左行勝下安
- 燈火合八燈
- 第一波梨答首元戴孔昇天帝位 少陰之炁
 - 第二首來太安皇崖天帝位 太陰之炁
 - 第三首稽那顯定極風天帝位 浩陰之炁
 - 第四阿那波羅迦始皇孝芒天帝位 洞陰之炁
 - 第五波羅離和太黃翁重天帝位 玄陰之炁
 - 第六梵明无思江由天帝位 玄陰之炁
 - 第七奈潭元上襟阮樂天帝位 冥陰之炁
 - 第八阿梨答怒元極曇誓天帝位 極陰之炁
- 右八天西方少陰之勝以次左行勝下安

1001 A 0346

一燈火合八燈

第一阿奈积暗庭霄度天帝位 陰生之炁

第二扇明民淵通元洞天帝位 化陰之炁

第三梨那太文輪寵天帝位 陰明之炁

第四明梵耐太素禁上天帝位 洞陰之炁

第五阿尼始太虛常融天帝位 陰靈之炁

第六項達泰釋騰勝天帝位 陰靈之炁

第七大梵項帶大昏龍變天帝位 陰浩之炁

第八禪蟬自然太極實奕天帝位 陰極之炁

右八天北方陰生之勝以次左行勝下安


一燈火合八燈四方三十二天勝勝下一燈火以照三十二天受事畢便從東面起

一勝便再拜稱名王甲今以生口代形易名過度三惡五道之門不勝形魂受天恩畢以次南三十二勝而受之

落上尸之道青書白素著頭上上元滅愆斬尸變景流光玉符



落中尸道黃書白素著心前中元滅愆斬尸變景流光玉符



落下尸道白書白素著兩足上下元滅愆斬尸變景流光玉符



右三符書安如法畢埋著三惡之門水灌上而去


解形遠變滅度地獄流景玉符黑書白素置兩足下以斷色累苦心根畢埋門下以解形



解形遠變滅度風刀流景玉符白書素上置兩足下以斷愛慾苦神根畢埋門下以解形



解形遠變滅度捷石流景玉符赤書白素置兩足下以斷貪慾苦形根畢埋門下以解形



解形遠變滅度作江河派景玉符青書素上置兩足下以斷諍競苦精根畢埋門下以解形



解形遠變滅度吞火食炭流景玉符黃書素上置兩足下以斷身累眾苦根畢埋門下以解形



右五符書如法畢埋五苦道之門受大法解形落尸流景玉符過度三惡五道

之中無人代形則三官九府皆不聽人度三界故以人自代開明上天三官託受五帝領名身即得離三惡之門五苦之中地司不拘形魂昇仙代形之人後亦得補三官都書史主者之任依格二百四十年一轉有功亦得上真之任所以代形不得輒以凡醜惡之人貴以應用而已皆須細骨美色柔和小心之人則彼此合法尅得成仙



右石鏡水母玉精符黃書負青縉之上置於水中受法者以水自洗濯沐浴玉池身體生光內外受真常能書以洗洗則神明洞達九年自仙也

上清元始譜錄太真玉訣

上清天關三圖經

太霄隱訣

明一

凡修七星移度之道上招玉皇九君玄精內照斷塞死根當寂心幽房不關風塵獨立對境時觀霄辰燒香左右散煙霞庭精心苦念存想勿眠如此七年則致瓊輿飛蓋丹轅來迎兆身上登天關塞死路於東北記生錄於南山所謂難希之道易降之真者也夫有金格玉名得披此道當以壬寅丙寅甲子甲午辛未辛丑此六會日高上值合之時也玉帝常以其日使侍仙玉郎校定青華東宮金格玉名學仙之錄是其日有勤志上徹感啓玉皇者即命此帝鄭都六宮斷絕死錄之根記生錄於人門移七星加於鬼門度玄樞披天關每當清齋若念注玄冥目內存叩齒三十六通
思第一太星玄樞陽明天樞魂神上玄九君衣飛雲錦裙頭戴玄晨之冠從玄斗中下入我身中因祝曰
玄樞陽明天樞魂神上真九君混合變化共

為一神願為我斷死路於鬼戶度生錄於兩軒除七玄於三塗受胎生而更仙迴七精以玄陰度我形於天關畢咽氣三七過修行不懈上招玉皇之寶帝降紫霞之雲衛以寶華玉女金晨玉童各十二人侍衛子身



次思第二元星北胎陰精天璇魂神上玉九君同著青錦飛裙頭建玄晨之冠從玄斗中下降入我身咽氣咒曰
北胎陰精天璇魂神上玉九君混合萬變共為一神願為我削陽罪於太陰度陰氣於太